

## **Ak, Lietovelē**

Ak, Lietovelē, Lietovelē,  
Kāp Tavēs aš pasēlgau!  
Sušala mona če šerdelē  
Kāp groudie balta smēlga.

Čē tuokē svetēma padongē.  
Net, kumet praded švēstē.  
Noriečiau i žemelē brongē,  
Nuors paukšteliu nuskrēstē.

Atsiduksiejē mon šerdelē  
Rašīdama tus puosmus.  
Sugrīšio, miela tievēškelē,  
I nusimeso skausmus.

Vo šindēin tēku, munē gērdē  
Iš svetēmuos šalelēs  
I šēlda ēlgesingā šērdē –  
Sušalusē smēlgelē.